

御选历代诗余



御選歷代詩餘卷八十七目錄

起一百十字至一百一十一字

霜葉飛

又一體

張炎

劉基

前調

又一體

無名氏

擊梧桐

又一體

李甲

李珣

八寶妝

又一體

李甲

大聖紳又一體

康與之

蔣捷

前調又一體

張炎

高山流水

吳文英

八犯玉交枝

仇遠

慢捲綃

柳永

李甲

疎影

姜夔

趙以夫

陳允平

周密

王沂孫

張炎

四首

王夢應

鄧剡

趙文

張翥

選冠子

又一體

周邦彥

方千里

吳文英

陳允平

劉基

吳子孝

前調

又一體

蔡伸

陳允平

五綵結同心 又一體

趙彥端

八歸

高觀國

女冠子 又一體

柳永

霜葉飛 又一體

周邦彥

吳文英

張炎 二首

長壽樂 又一體

柳永

沁園春

又一體

楊慎

御選歷代詩餘卷八十七目錄

御選歷代詩餘卷八十七

起一百十字至一百一十字

司經局洗馬掌局事兼翰林院修撰加二級臣王奕清奉

旨刊校

霜葉飛

又一體雙調

一百十字

霜葉飛

悼澄江
吳立齋

張炎

故園空杳霜風動南塘吹斷瑤草已無清氣礙雲山奈
此時懷抱尚記得修門賦曉杜陵花竹歸來早傍雅亭
幽榭慣款語英游好懷無限歡笑不見換羽移商杏
梁塵遠可憐都付殘照坐中泣下最誰多歎賞音人少
悵一夜梅花都老今年因甚無詩到待喚起清魂說與

淒涼定應愁了

前調

七夕

劉基

鯉魚風起津梁斷盈盈一水難渡藕花相向自成蓮誰
道中心苦又不覺明星在戶鵲橋橫跨黃姑渚怕喜極
悲生似那日匆匆再把歡笑辜負堪恨桂闕姮娥乘
雲驂霧便踏龍尾先去碧雞啼罷鳳樓寒早漏聲催鼓
盼油壁香車駕了踟躕欲上頻回顧但暗滴眞珠教向
人間散成飛雨

前調

又一體

無名氏

霜林彫晚危樓迴登臨無限秋思望中間想洞庭波面
亂紅初墜更蕭索風吹渭水長安飛舞千門裏變景摧

芳樹唯有蘭衰暮
叢菊殘餘蕊
念花滿堂時
自美人一去
鎮掩香閨
經歲又觀珠露碎
點蒼苔敗
梧飄砌漫贏得相思
淚眼東君早作歸來計
須莫惜丹青手
重與芳菲萬紅千翠

擊梧桐

又一體雙調
一百十字

擊梧桐

李甲

杳杳春江闊
收細雨風颺波
聲無歇
鴈去汀洲暖
岸蕪靜翠染遙山
一抹羣鷗聚散
征航來去隔水相望
楚越對此凝情
久念往歲上國嬉遊時節
關草園林賣花巷陌
觸處風光奇絕
正恁濃歡裏
悄不意頓有天涯離

別看即梅生翠實柳飄狂絮沒個人共折把而今愁煩
滋味教向誰說

前調

別西湖
社友

李珣

楓葉濃於染秋正老江上征衫寒淺又是秦鴻過霽煙
外寫出離愁幾點年來歲去朝生暮落人似吳潮展轉
怕聽陽關曲奈短笛喚起天涯情遠雙屐行春扁舟
嘯晚憶著鷗湖鶯苑小小梅花屋雪月後記把山扉牢
掩惆悵明朝何處故人相望但碧雲半斂定蘇堤重來
時候芳草如翦

八寶妝

又一體雙調

一百十字

富貴八寶妝

李煜甲

門掩黃昏畫堂人寂暮雨乍收殘暑簾捲疎星庭戶悄
隱隱嚴城鐘鼓空街煙暝半開斜月朦朧銀河澄淡風
淒楚還是鳳樓人遠桃源無路惆悵夜久星繁碧雲
望斷玉簫聲在何處念誰伴茜裙翠袖共攜手瑤臺歸
去對修竹森森院宇曲屏香暖凝沉炷問對酒當歌情
懷記得劉郎否

富大聖樂

天賦華章
命何朴
音韻問未敢

又一體

雙調
一百十字

豐妙幸太平
無事
望對
西高

大聖樂

豐妙幸太平
無事
望對
西高

千朵奇峰半軒微雨曉來初過漸燕子引教雛飛茜苞

暗薰芳草池面涼多淺斟瓊卮浮綠蟻展湘簾雙紋生
細波輕紈舉動團圓素月仙桂婆娑臨風對月恣樂
便好把千金邀豔娥幸太平無事擊壤鼓腹攜酒高歌
富貴安居功名天賦爭奈皆由時命何休省鎖問朱顏
去了還更來麼

前調

壽陶成之

蔣捷

笙月涼邊翠翹雙舞壽仙曲破更聽得豔拍流星慢唱
壽詞初了羣唱蓮歌主翁樓中披鶴氅展一笑微微紅
透渦襟懷好縱炎官駐繳長是春和千年鼻祖事業
記曾趁雷聲飛快梭但也曾三徑撫松采菊隨分吟哦
富貴浮雲榮華風過淡處還他滋味多休辭飲有碧荷

貯酒深似金荷

前調

又一體 華
春堂分韻

張炎

隱市山林傍家池館頓成佳趣是幾番臨水看雲就樹
攬香詩滿闌干橫處翠徑小車行花影聽一片春聲人
笑語深庭宇對清晝漸長閒教鸚鵡芳情緩尋細數
愛碧草平煙紅自雨任燕來鶯去香凝翠暖歌酒清時
鐘鼓二十四簾冰壺裏有誰在簫臺猶醉舞吹笙侶倚
高寒半天風露

高山流水

雙調一
百十字

高山流水

丁基仲妾
善琴題贈

吳文英

素絃一一一起秋風寫柔情多在春葱微外斷腸聲霜霄
暗落驚鴻低顰處翦綠裁紅仙郎伴新製還賡舊曲映
月簾櫳似名花竝蒂日日醉春濃 吳中空傳有西子
應不解換徵移宮蘭蕙滿襟懷唾碧總噴花茸後堂深
想費春工客愁重時聽蕉寒雨碎淚濕瓊鍾恁風流也
稱金屋貯嬌慵

八犯玉交枝

雙調一百十字

八犯玉交枝

招寶山觀月上

仇遠

滄島雲連綠瀛秋入暮景却沉洲渚無浪無風天地白
聽得潮生人語擎空孤柱翠倚高閣憑虛中流蒼碧迷

煙霧惟見廣寒門外青無重數 不知是水是山不知
是樹漫漫知是何處倩誰問凌波輕步漫凝睇乘鸞秦
女想庭曲霓裳正舞莫須長笛吹愁去怕喚起魚龍三
更噴作前山雨

慢捲紬

雙調一百十字
或作慢捲紬

慢捲紬

柳 永

閒牕燭暗孤幃夜永敲枕難成寐細屈指尋思舊事前
歡都來未盡平生深意到得如今萬般追悔空祇添憔
悴對好景良宵皺著眉兒成甚滋味 紅茵翠被當時

一一堪垂淚怎生得依前似恁偎香倚暖抱著日高猶

睡算得伊家也應隨分煩惱心兒裏又爭似從前澹澹
相看免恁縈繫

前調

李甲

絕羽沉鱗埋香葬玉杳杳悲前事對一盞寒燈數點流
螢悄悄畫屏巫山十二薜臉星眸蘭情蕙性一旦成流
水便縱有甘泉妙手鴻都方士何濟香閨寶砌臨妝
迤邐苔痕翠更不忍看伊繡殘鴛鴦履而今尚有啼紅粉
漬好夢不來斷雲飛去黯黯愁無際漫飲盡香醪奈向
愁腸消遣無計

疎影

雙調一百十字石湖梅開范成大徵新聲於姜夔夔製
暗香疎影二曲後人更以紅情綠意名之此其一也